

Europe.

Knaben vnnnd allerley vihe. Die weiber so sie haben seind nit bestee-
tiget/noch jr ee weiber bis sie gebiret/als dan nimpt er erst die morgē
gab/ist sie vnfruchtbar/so mag er sie weg thon von jm.

Lebuch ist beden mann vnnnd weib bei jn tödtlich/ aufgenommen
in Kriegsleuffen.

Dif volck hat vil thorechter obseruation/vnnnd superstition/vnd
aberglauben.

Das feur eeren sie fleißig/ Die vogel fahen sie nit. Sie glauben ein
zukünfftig welt.

Der Keyser vnd seine mechtigen wosie reitten/fürt mann ob jn an
langen spiessen ein schatten tuch odder himmel/ darunder er von der
Sonnen frei reit vnder dem schatten. Dif thut man auch jren
weibern.

Jez laß ich mich duncken sie seien Machometis glaubens/ie etlich/
wo nit all.

Vonder Türckeij/vnnnd der Türcken gesatz/ pollicei/glaub/weiß vnnnd sittenn.

Das landt das nun Turcia Türckeij heysst/hat vom auffgang
das grösser Armeniam/ vnnnd erstreckt sich bis an Ciliciam/
nach der anweissung Machometi/ die er denn Saracenern
Arabiern Anno sechs hundert neun vnd zwenzig/ hat fürgepleut le-
bende. Diser hat wollen ein mittel treffenn vnnnd Mosem vnd Chris-
stum vereinigen.

Nam Mosem für sich von der vile der weiber/ Wo dann Christus
die freiheit vom gesatz leret/ klunglet er dem volck damit/ damit er
jm ein ansehen vnd anhang machet.

Die Saracen die erstlich disen grewel annamen wontē in Arabi-
enn/das an Judeam an einem theil/ am andern an Egiptenn stoft
Daher sie sich die rechten erben der verheissung vnnnd samen Abrahe
noch heut glauben. Darumb sie Saraceni von Sara her wollen ge-
nent sein/vnnnd nit Agareni von Agar.

Nun jr ankauft ist also gethann/ Als Keyser Heraclius wider die
Persier/die Arabier oder Saracen vmb hilff anruffet vnnnd sie besol-
det/er ober ten sie dem Keyser sig.